

戊 7

7

秦氏所集



南京中医药大学图书馆版权所有

秦氏同門集

甲戌修農珍藏



秦氏同門集引

從游諸子。有同學會之組織。復輯同門集。所以敦情感。切磋學術也。將付削青。請爲之引。余自慚譴陋。好爲人師。惟不敢以邪說誤人子弟。不願拘一家言以妄評先哲今賢。此則諸子之所宜知也。自矜自詡。自滿自傲。爲醫生之大戒。今諸子俱能勤求古訓。深究新知。所作既斐然可觀。學成而歸者尤多。負一地杏林重望。蓋亦可以無言矣。韓昌黎曰。師不必賢於弟子。弟子不必不如師。荀子曰。冰成於水而寒於水。青出於藍而勝於藍。諸子勉之。是厚望焉。

中華民國二十二年十月一日秦伯未

秦氏同門集目次

醫書序跋集(特載).....	秦伯未先生
血症之治療法(以下論文).....	陳玉林
溫病從口鼻而入之商榷.....	陳典周
陰陽應象大論書後.....	胡安邦
崩漏之原因與治療.....	馬善徵
吐血忌涼瀉說.....	許鏡澄
三消論.....	林學光
麻黃葛根小柴胡三方合解.....	楊永釗
胸痺寒疝合論.....	楊德僊
血症概要.....	魏席珍
讀內經五過篇書後.....	張仲侯
四君子湯方解.....	傅翼之
半產說.....	趙瑤光
種痘攷略.....	沙書文
讀生理學書後.....	胡壽南
用藥說.....	李沛仁

道隱廬醫案(以下醫案).....	陳典周
仁愈醫案.....	方冠羣
策愈醫案.....	王顧龍
婦科醫案.....	黃子靈
安廬醫案.....	胡安邦
醫案瑣言(以下雜俎).....	龐士龍
醫學瑣譚.....	胡壽南
策愈隨筆.....	王顧龍
潛廬漫筆.....	馬善徵
疫霍亂急救法.....	沈水祥
治痘簡明條例.....	陳頌周
詩(以下文藝).....	王顧龍
東山寺搜獲鮑逸卿詩刻.....	王顧龍
船泊申江和葉君紹曾原韻.....	王友信
北平中央公園.....	王友信
寄洪君隱炎杭州.....	胡壽南

秦氏同門集

特載

醫書序跋集

醫經原旨序 薛生白著

千頃堂主人將以醫經原旨付重印。囑加校訂。蓋視僕爲老馬也。夫原旨本于類經。類經盜意于羅謙甫。羅謙甫之書不傳。類經又繁冗。于是原旨乃大行。曩僕承乏中醫專校內經教授。校中無講義。卽以原旨爲教材。雖立類詳明。視內經原本。煞費整理之功。然文字之謬誤。未能加以考正。訓詁之延襲。未能加以闡發。終不能心無慊然也。請以證之。藏象篇兩精相搏。謂之神搏。本作搏。脈色篇春脈太過。則令人善忘。忘本作妄。又濇者多血。少氣多本作少。疾病篇腎風診在肌上。肌本作膜。又怒則肝氣乘矣。肝本作肺。悲則肺氣乘矣。肺本作心。均延襲其舊。此文字之謬誤也。脈色篇之關格。卽

秦伯未先生



南京中醫藥大學圖書館版權所有

難經覆溢之謂。今以不得小便及吐逆言疾病篇冬不藏精。精泛指精氣如作勞汗大泄等。今泥作精絲而歸諸腎。又陽明筋痺治以生桑炭置之坎中。坎謂兩頰牽引而發現之低窪。今竟指爲地坎。望文曲解此訓。詁之因循也。至若攝生篇其知道者一節。係追述上古之人。今冠以今時二字。大義盡背。則選錄之失檢論治篇。觀浮沈滑濇而知病所在。以治無過以診則不失義本明暢。今以所生以治爲句。無過以診爲句。則不失矣。爲句不成其文。則句逗之不明。類此正多。僕病未能悉舉。然要以大體言。則凡此小節。殊不足爲本書累耳。僕治內經垂十載。間有所得。已著讀內經記三卷。公諸世。特懼後之讀本書而不事旁求。受其迷惑。爰於校訂之餘。筆之簡端。以告好學深思之士。倘亦不負主人懇勸囑咐之意乎。中華民國十七年七月朔日上海秦伯未序於中國醫學院。

遇安齋證治叢錄序 劉蔚楚著

醫案之作。其濫觴於春秋時乎。左傳記醫緩之治晉侯。國語記醫和之治平公。厥後漢司馬遷撰史記傳扁鵲倉公而詞益富可引也。其傳倉公陳理精奧。說者謂非太史公所能殆倉公自錄上之史氏者。太史公修飾而爲之傳。則又爲自著醫案之祖矣。夫案攷也。見前漢書賈誼傳案之當今之務。

註。又據也。見荀子不苟篇。非案亂而治之之謂也。註。正字通。則凡宮府興除成例及獄訟論定者。皆曰案。是醫案者。醫記平日所治之驗。否以資他日攷據者也。效者錄之。勿效者亦錄之一得。一失。皆足借鏡。故列子力名篇。稱盧氏爲神醫。俞氏爲良醫。而矯氏爲衆醫。屏棄勿貪。亦並附之。降王後世。榮名是實。專事誇張。惟功是述。醫案倍繁。而本旨漸失。亦可慨已。今者劉君蔚楚證治叢錄將增訂行世。委周君小農索序於余。余於二君未謀面。然時有著述散見醫報雜誌。知皆積學士也。是編之出。定有功於醫林。攷據非尠。爰占此以報之。乙丑寒食日。秦伯未。

清代名醫醫案菁華序自著

伯未輯清代名醫醫案菁華成。自序其端曰。人之論醫者。動稱內難傷寒。夫內難論病書也。傷寒診病書也。推闡疾病之原理。以明證象及傳變。所謂病理學者。是故內難不詳方藥。何謂診病。研幾疾病之驅除。以定法則及程序。所謂治療學者。是故傷寒絕鮮理論。合病理治療於一而融會貫通。卓然成一家言。爲後世法者。厥惟醫案。此醫案之所由輯也。醫者應具時代精神。適合世界趨勢。中醫萌芽於神農黃帝。歷春秋戰國兩漢名師哲匠。而漸臻發達。下此六朝隋唐。其光又微。宋代競尙玄

虛金元繼之好言五行。說者因譏唐後無醫書。及至有清。大椿元御肆力復古。天士鞠通側重溫熱。玉田出力關蠶叢。獨開新境。咸同間西學輸入。醫風又一變。承往古。啓來今。於是大彰。此先有清代之輯也。醫非學養深者不足以鳴世。書非選抉嚴者不足以爲法。清代醫家之盛。遠勝於前。然宣蘭古蘊。發明心得。正復可數。而所傳醫案。大半門人編纂。駁雜不純。若是者烏足光前哲而裨後學。此又所以名醫是尙而菁華是擷也。近賢章太炎氏曰。中醫之成績。醫案最著。梁任公氏曰。治學重在真憑實據。夫醫案皆根據病理而治療之成績。亦中醫價值之真憑實據也。此書之輯。倘足符西醫攻訐之口。爲中醫臨診之助乎。至有以此爲終南捷徑而不考古訓。不求新知。則非吾志焉。戊辰四月。上海秦之濟伯未。

日本漢醫傷寒名著合刻序 栗園淺田著

伯未藏日本漢醫栗園淺田翁傷寒辨要傷寒翼方二書。有年矣。原書成於明治十四年。正日本維新之時。當是悲古學日衰。斯道將墮。而作然則今日我國醫術無殊明治時代之日本。又烏能獨珍不公諸世。作淺田翁第二呼聲乎。爰命舍弟又安錄副冊。付手民合刻。而序其端曰。夫傷寒一病。仲

景立六經。定三百九十七法。製一百一十三方。變化錯綜。蔚爲大觀。在西醫則名之爲腸室扶斯。僅屬傷寒之一部。於是人競非之。余獨謂此非西醫命名之不當。實西醫研究之淺陋。而不得其治所致也。傷寒初起必發熱。其治必發汗。然發汗之時。當兼顧其寒熱虛實。故有桂枝麻黃葛根毒龍之辨。用之合度。自無傳變。西醫見其壯熱。不求其本而畧以冰不愈。則不探其寒熱虛實而泄其汗。又不驗。則惟有注意飲食清潔空氣。而謬爲傷寒無特效藥。詎知傷寒不經誤治。必轉入陽明入陽明。則胃實糞結而爲腸中事矣。及見其糞結又不辨其太陽症之罷與未罷。糞結之可下不可下。而漫然攻之。攻之太早。則傳入太陰。入太陰則腹滿利下而亦爲腸中事矣。歷積其謬誤之觀念。詎爲切實之經驗。於是認傷寒病灶在腸而呼爲腸室扶斯。此甯非西醫研究之淺陋而不得其治所致乎。西醫必欲摧殘中醫。而治病之成績。卽以傷寒論已不及中醫十一。設中醫而自願銷滅。其對於傷寒一病。將日殺百人而不止。此余所盪氣迴腸而不能已于言。倘亦淺田翁盪氣迴腸而不能已于言者也。抑有進者。淺田翁著書時。當吾民國紀元前四十五年。距今凡六十三年。身前既目擊日本漢醫之淪亡。不謂六十年後異端之徒。傳染中土。更欲亡其漢醫。所自之中國醫學。吾叙其書。神搖

魄奪翁其有知恨將曷極中華民國十八年九月上海秦之濟伯未甫書於謙齋

中國歷代醫學之發明序王吉民著

昔者日醫今村亮慮西醫盛行。學漢醫者每喜新厭故。舍己從人。因撮西醫治法。爲漢醫所固有者。如解剖熨法。灌水酒劑。蒙汗等。著醫事啓源二十篇。時當文久元年。日本正建西洋醫學所。而漢醫漸降衰落之秋。故所述多精確。余幼讀其書。未嘗不嘆用心之深也。近乃於國人得王君吉民。君精西醫學。而獨服膺中醫。嘗謂言中醫墨守舊章。拘滯不化。不若西醫進步之神速。鮮進取之精神。則可謂絕無發明。不值於世界醫學史上留一位置。則不可。因作中國歷代醫學之發明一書。舉以示余。書凡六篇。曰生理。曰解剖。曰療學。曰衛生。曰外科。曰內科。旁徵繁引。直駕醫事啓源而上之。真中醫界之鐵錐也。夫今村亮日人也。王君西醫也。以日人西醫而愛護中醫。不遺餘力。乃中醫自處今日其環境。無異於日本。延享明和安永。天明寬政。文久諸朝。反切膚之痛。無動於中。吾將何以爲辭耶。而摧殘中醫者。其勢焰不出自外人之行道。中土者而出自國人之留學外國而歸者。以西醫爲業。以中醫爲敵。摧殘敵人之利器。卽是得諸外人之皮毛。摧殘敵人之目的。卽是祖宗遺留之國粹。

彼輩居心。余不敢問。長此以往。恐不特中國任何學術。永無進步。行見盡喪於若輩之手。豈特中醫而已哉。余讀王君之作。蓋不禁興無涯之戚戚焉。書此歸之。以誌吾痛。中華民國十七年九月一日
上海秦伯未

內經類證序 自著

內經類證之作。昉於民十二。成於民十四。修正於民十五。鏤版於民十六。被燹於民十七。今蓋燼餘之文也。中醫學說。建築於實驗。故余之治醫。以實驗為主。傷寒論有是症。有是方。實驗之書也。內經有是病。有是症。亦實驗之書也。余初治內經。繼治傷寒。論覺其敍列多本。內經則復肆力於內經。蓋爲實驗之書之祖也。居嘗擇其關於病症者。又摘錄專冊。爲之類別。得五十病。三百五十七證。一千二百六十八條。名之曰內經類證。以便稽攷。更於篇末增以後世學說。及一得之見。藉資匯通。書成會承乏內經教授於各醫校。學者苦無適當之參攷書。乃付著易堂印行。俾供觀摩。不意削青甫半。遽遭火災。稿盡燬佚。所存者僅篋中內經白文初稿而已。嗟乎。余欲導學者以勤研古訓。歸於直樸。而橫遇奇厄。殆亦數歟。而同道聞余有是書之刻。競相訪問。不獲已。卽就初稿。略加校訂。重付手民。



至原文之謬誤。已詳拙著讀內經記。茲從闕。其篇末坳論。則請俟諸異日。又當時承劉一鳴汪隱峯諸君題序。茲僅存譚君一文云。民國十八年四月六日。鏡下記此。以誌始末。髮數莖白矣。上海秦伯未。

怪疾奇方序 費伯雄著

事非恆有之。謂怪人莫能測之。謂奇疾病者生理機能起障礙而所呈之現象。烏有所謂怪方。難者根據病灶而所立退却之法。則亦烏有所謂奇世稱怪病奇方者。殆皆市醫之炫人耳目者。所爲將爲學者不齒焉。然而病固有非常理所能喻者。方亦有非成例所能驗者。以余年來經歷。如郎家橋金少華子之晝夜不思眠睡。而精神勿衰。大統路李匠女之水脹七載。忽恣啖青梅而瘥。蓋自有足述者矣。錢君季寅家藏怪病奇方一卷。將付梓。乞余爲文張之。攷書爲費氏伯雄著述。刊於光緒十年。鏤版絕精。凡一百四十七病。一百五十二方。費氏爲武進名手。著有醫醇臞義。久播醫林。斯書之輯。其當信而有徵。不得與市醫之炫人耳目者等比。因書此以介。倘法外之法。亦醫者所欲快觀者乎。戊辰仲秋距月圓前八日。上海秦伯未。



清代名醫醫話精華序 自著

清代名醫醫話精華。繼清代名醫醫案而輯也。余於前書序中。謂醫案爲中醫價值之真憑實據。茲請更從價值二字申言之。研究哲學者曰。人類思想。不免衝突。而思想之衝突。屬於事實問題者。少。關乎價值問題者。繁。以事實問題。俟真理一出。百喙止辯。而價值問題。恆視人之評衡器官相應而定。卽有心理作用存乎其間。終難一致。斯言也。余甚韙之。然以語醫學。則當以事實爲前提。一切價值。視事實爲轉移。自物質由原子構成之事實。一經發明。所謂五行四大或水或火之說。其價值卽因之低降。可以爲證。蓋醫爲治病之學。能本其學說於事實上。使疾病痊癒。卽爲真價值。不能因人之評衡器官相歧而異議也。進言之。價值既根據事實之效驗。而事實之效驗。又根據學說之如何。則中醫既有真切之價值。其學說亦自有相當之位置。雖一部份受理學哲學之影響。似多空洞。然真理所在。正不能全行鄙視焉。余治中醫幾十載。覺中醫之學說之事實之價值。非西醫所能明。所能及。所能企望。爰積歲成清代醫案一書。今復嫌其體例所拘。未能詳備。爲擇筆記體者。另輯是編。諸先賢苦心積慮之成績。卽吾儕臨診處方之指南。願同道其珍視之。戊辰仲冬上海秦之濟伯未。

全國名醫驗案類編序 何廉臣著

秦子曰。醫之價值。當求諸實驗之結果。何以故。說文云。醫治病工也。既爲治病工。則其責任但求能治病。治病結果之良窳。卽爲真價值。初不必斤斤於流派之爭也。彼中醫自詡爲哲學。醫西醫自詡爲科學。醫以僕視之。哲學本身固不能治病。卽科學本身亦奚能起疾。同一僥倖試驗而互以哲學科學爭修短。其價值果何據耶。僕初治文學。繼而攻醫學。舉各家學說讀之。若有所得。又取西說閱之。胸襟豁然。偶爲文章。自信可敵千人。迨十年來臨診之結果。覺古人之言可信而不可信。昔之驕人者。且斂抑不自勝。蓋學說實驗之別。不足爲外人道如此。語曰。醫不三世。不服其藥。又曰。九折肱爲良醫。又曰。熟讀王叔和。不如臨診多。洵有得之言哉。更徵諸今日西醫之攻訐中醫。無所不至。而中醫在社會。果未嘗失去固有之位置。抑且信仰者益加衆。無他。中醫實驗之結果。足以制勝西醫也。故僕以爲實驗之結果。卽醫學之價值。結果之完美。卽醫學之進步。醫案者結果之表現也。驗案者價值之真據也。嘗本斯意。久欲以切實之文字介紹於世人。爰於去歲編印清代名醫醫案精華一書行世。乃今歲大東書局主人持越中何廉臣君所輯當代名醫驗案類編索序於余。觀其緒論。使

醫者受實益。病家資啓發。不禁喜其用心之不謀而合。更觀其編次。分四時六淫八大傳染。又不棄歎其分析之新穎精密焉。僕局處江濱。愧無建樹。對此奚僅興天涯知己之感。實足爲今之好高論而不務實際者。當頭棒喝。乃不辭而爲之序。中華民國十八年一月二十五日上海秦伯未書於新中醫社。

溫熱類編序 凌嘉六著

辛酉以還。僕謬膺上海中醫學會江蘇全省中醫聯合會編輯事。得讀沈君仲圭大著。即歎爲飽學士心識之未能忘。閱四載乙丑。忽郵示溫熱類編一書。屬加校正。心心相印。益不勝感愧係之。書爲凌君嘉六纂。凡八卷。曰原始編。采摘黃帝越人仲景之語。輔以溫病條辨濕溫條辨類傷寒辨察舌辨證等。曰溫病編。分春溫風溫溫瘡溫毒斑疹等。曰熱病編。分熱證熱厥熱風驚疳等。曰暑病編。分中暑霍亂臭毒等。曰濕病編。分濕溫濕熱濕瀉痞滿脚氣腫脹黃疸等。曰瘧病編。曰時疫編。曰方論編。除原始編外。各編之首。復條引羣經精義。集各家之大成。實溫熱病中巨製也。迨潛心展覽。則微嫌有重複者。若既冠原始篇。而更出羣經精義。是不涉者。若濕瀉痞滿脚氣腫脹等。無干於溫熱

是有可併者。若瘡病之堪附於溫。時疫之堪附於暑。是而方論編闕不可攷。殆已散見各卷。不復彙集歟。用是謀加重訂。析正編附翼爲二大類。正編復析證治診斷二大篇。證治篇分溫熱暑濕四綱。刪原始編。分列羣經精義中。易其名曰通論。於溫病分春溫風溫溫瘧溫毒斑疹四目。熱病分熱症熱厥熱風小兒驚疳熱病解後五目。暑病分中暑霍亂臭毒三目。濕病分濕溫濕熱黃疸三日。診斷篇則分察舌察目二綱。而以溫病條辨濕溫條辨類傷寒辨歸納於附翼。蓋皆諸家原本。意在資參攷也。例既定。卽馳書報沈君。沈君引爲然。遂從事編纂。割裂刪增。得六卷。先後七閱月。未敢言美。聊盡私心。知我罪我。拱俟大覺。削青日。并書數語簡端。明原稿之崖略。及刪訂之經歷。至夫溫熱病之重要。與傷寒不同。治何君廉臣序之詳。不復贅云。丙寅五月上。海秦之濟伯未甫記於一粟庵。

外科眞詮序 鄒岳峯著

考周禮天官。瘍醫掌腫瘍潰瘍析瘍之祝藥。剮殺之齊。注曰。剮謂刮去臙血。殺謂以藥食其惡肉。此吾國外科之濫觴。古之扁鵲倉公華佗。皆精其術。迄今讀史記後漢書本傳。猶可想見其批卻導竅。奏刀砮然之神技焉。厥後可稱者。若陳自明齊德之汪機薛己陳實功王宇泰顧世澄王維德輩。均

得其傳。所著外科精義。外科理例。外科樞要。外科正宗。瘍醫準繩。瘍醫大全。外科證治全生集等。入爲世人所奉法。蓋外科必本於內。知乎內。以求其外。其治如指掌。否則治外遺內。不揣其本。不足以起沉疴也。降及晚近。以外科鳴國內者。則有鄒氏岳峯。鄒氏承家學而復力學。故所治多獲奇效。其積數十年之經驗。著外科真詮一書。先之以總論。次之以治要。方劑雜證。終之以經絡圖註。內景圖說。脈學提要。雜症揭要。藥品大略。附之以驗案。蓋深知治外科之根於內。不欲世人輕率從事。雖然可見。雜證中釐爲頭項。眼耳鼻口舌喉肩膈臂腋背腹內癰前陰股脛發無定處怪症等三十部。三百六十三症。其分析之細。羅列之富。又爲外科書籍所僅有。而處處以經驗爲依歸。輔以相當之理論。使學者得收切實效果。尤覺難能而可貴。知新社曹君。藏有原刻本。恐其泯滅而不能傳之廣遠也。商諸錢君。付之剞劂。並索序於余。嗚呼。中國醫學之可貴。以經驗爲特點。本其經驗。以施治。往往效如桴鼓。影響不獨外科。然而尤以外科爲最。然業外科者。恆秘其方。以傳子孫。子孫而賢。守其業。子孫而不賢。失其傳。坐是外科之學。日就墮落。今鄒氏獨以私家之心。公天下。德子孫之心。澤天下。人不特醫界當同感。卽天下病者當無不同感。鄒氏之學。以此傳。而鄒氏亦與之千古矣。因樂爲序。